

**Protocol da la sezziida dal Cussagl cumünal da lündeschdi,
12 october 2009, a las 20.00, acta 34**

Preschaints: Jon Carl Rauch; Chasper Alexander Felix, Georg Salomon,
Marianne Werro-Lehmann, Jachen Andri Schmidt e
Rico Zini (protocol)

Tractandas:

287. Protocol

Il Cussagl cumünal approva il protocol da la sezziida dals 28 settember 2009, acta 33.

Protocol

288. Orientaziuns

1. Punt per peduns in Fenga

La secziun Heidelberg ingrazcha al Cumün da Sent pel sustegn per la reconstrucziun da la punt per peduns chi traversa l'aua dal Fimber.

Orientaziuns

2. Gruppa d'interess per cumüns pitschens in Grischun (fin 400 abitants)

La gruppa d'interess manzunada aint il titul invida exepziunalmaing eir a tschels cumüns ad ün' occurrenza ingio chi vain discutà e referi sur da differents temas politics brisants ed actuals chi pertoccan a tuots. L'occurrenza ha lö als 14 november 2009 a Cazis.

3. Scoula

Tenor la magistra da scouline faja da bsögn da spordscher a tscherts uffants uras da sustegn in rumantsch. In oters lös es quai üsità. Las uras vegnan cun 30 % sustgnüdas dal Chantun. Il Cussagl da scoula ha decis da spordscher quist servezzan e tschercha uossa üna persuna chi po dar quistas uras da rumantsch.

289. Permiss da fabrica – Peder Poo – Renovaziun fanestras – Pradè

Sün dumonda da sar Peder decida il Cussagl cumünal da dar il permiss per far la lavur seguaintamaing:

1. Tenor la dumonda acclusa al permiss.
2. Il Cumün inchascha üna taxa da trattamaint da fr. 50.--.

Permiss da fabrica,
Peder Poo,
renovar fanestras
Pradè

290. Permiss da fabrica – Cumün da Sent – Porta garascha – Sur En 334

Sün dumonda dal Cumün da Sent decida il Cussagl cumünal da dar il permiss per far la lavur seguaintamaing:

1. Tenor la dumonda acclusa al permiss.
2. Il Cumün inchascha üna taxa da trattamaint da fr. 100.-- (scumpart intern).

Permiss da fabrica,
Cumün da Sent,
Porta garascha,
Sur En 334

**291. Permiss da fabrica – Jachen Dorta– Müdamaints interns e fanestras novas
Sot Pradè 131**

Sün dumonda da sar Jachen decida il Cussagl cumünal da dar il permiss per far la lavur seguaintamaing:

1. Tenor la dumonda acclusa al permiss.
2. Il Cumün inchascha üna taxa da trattamaint da fr. 200.--.
3. Il Cumün inchascha üna taxa per prestaziuns supplementaras da fr. 300.-- (art. 10 dal reglamaint da taxas).
4. Scha l'intent da fabrica crouda davo fattas las investiziuns aint l'oblig previss illa ledscha da promoziun da 1. abitaziuns e direcziun da 2. abitaziuns, schi vain drivi üna nouva procedura da fabrica. Tenor las calculaziuns fattas nu stess quai perè esser il cas.

Permiss da fabrica,
Jachen Dorta,
Müdamaints interns,
fanestras novas,
Sot Pradè 131

292. Pumpiers Pisoc – Investiziun d'ün veicul

Per pudair garantir la sgürezza dals pumpiers e da la populaziun faja da bsögn d'ün veicul pels apparats da respiraziun. La suprastanza dal corp da pumpiers Pisoc fa la dumonda per cumprar ün tal veicul. La part da Sent (20.6%) importa fr. 19'700.--. Il Cussagl cumünal decida d'investir quist import, chi vain integrà i'l preventiv da quist on chi vain.

Veicul pumpiers

294. Surdatta lavuors lavuratori cumünal

Davo avair tut cogniziun dal reasunt da l'architecta e las spiegaziuns dal schef da god decida il Cussagl cumünal da surdar las seguaintas lavurs als offerents cull'offerta economicamaing la plü favuraivla.

Surdatta lavuors,
lavuratori cumünal
Palüzot

1. Vierchels per transir lasura (Befahrbare Deckel)

Nils AG, Winterthur fr. 7'478.20

2. Üschs isolats

Bator AG, Herzogenbuchsee fr. 48'613.80

3. Vasca speciala (Umlenkschacht) per l'indriz da separar (Spaltanlage)

UWT 2000 GmbH, Domat Ems fr. 16'462.80

295. Finischiun da la pista dal sömmi

Il Cussagl cumünal s'occupa amo üna jada culla finischiun da la pista dal sömmi chi nu cuntainta. Ingünas da las soluziuns pussiblas sun optimalas. Da la vart da las Pendicularas s'esa per intant fich precaut cun far investiziuns in quel lö.

Il Cussagl cumünal decida da provar, da muossar via sün duos variantas da la finischiun da la pista chi pudessan exister parallel e chi nu pretendan investiziuns fich otas (Archas Sura sco fin quà ed üna giò Plan da Muglins). Las vias dad Archas fin gio Schigliana e quella da Sala vegnan rumidas nair. La via da Sala es eir stippa, però na uschè lunga sco quella dad Archas.

Quista varianta ha ouravant da gnir trattada culs possessurs da terrain pertocs.

Pista dal sömmi

296. Permiss per manar la Pensiu Plaz

Il Cussagl cumünal piglia cogniziun cha sar Helmut Heis dumonda ün permiss per manar la pensiu Plaz.

Il Cussagl cumünal decida da dar il permiss tenor art. 3 da l'uorden d'ustaria sco segua:

- persunas respunsablas Helmut Heis
- descripziun da las localitats Pensiu Plaz
- dürada Illimità

Il cumün inchascha tenor art. 12 dal uorden d'ustaria üna taxa da fr. 150.--.

Permiss per manar
la Pensiu Plaz

297. Diversas schefs

1. Chava da glera Parnarsura

Il schef da la chava orientescha chi saja entrà ün güdicat dal Chantun chi nu permetta da depositar material ad interim sül terrain previss in Parnarsura. I's guarda da tscherchar eventualmaing ün' otra soluziun.

2. Ingrazchamaint

La firma Fabio Bau GmbH ingrazcha fich per las surdattas da la lavur e per la fiduzcha demuossada.

Diversas schefs

298. Varia

1. Inscunter – Proprietaris da 2. abitaziuns

Il Cussagl cumünal fixa ils temas chi's voul orientar als proprietaris da 2. abitaziuns. L'inscunter ha lö als 17 october 2009.

Varia